



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
**OPĆINA CENTAR SARAJEVO**  
**Općinski načelnik**

BROJ: 09/B-04-39/20  
Sarajevo, 20.05.2020. godine

Na osnovu čl. 25. i 69. Statuta Općine Centar Sarajevo – prečišćen tekst («Službene novine Kantona Sarajevo», broj 23/04), Općinski načelnik donosi

## **ODLUKU**

Poništava se dio Javnog poziva za podnošenje prijave – zahtjeva za ostvarivanje pomoći iz Programa održivog povratka za dodjelu finansijske pomoći općinama/opštinama povratka, vjerskim institucijama i pojedincima povratnicima u prijeratno mjesto prebivališta u cilju obezbjeđenja uslova za održivi povratak i poboljšanje kvaliteta življenja i to u dijelu koji se odnosi na dodjelu finansijske pomoći općinama/opštinama povratka i vjerskim institucijama, a koji je objavljen dana 6.02.2020. godine u dnevnim novinama „Dnevni avaz“ i na WEB-strani Općine Centar Sarajevo.

Dio Javnog poziva koji se odnosi na zahtjeve za ostvarivanje pomoći pojedinaca povratnika u prijeratno mjesto prebivališta u cilju obezbjeđenja uslova za održivi povratak, a koji će biti sufinansirani iz budžeta Općine Centar Sarajevo u 2020. godini ostaje nepromijenjen.

## **Obrazloženje**

Nakon stupanja na snagu Odluke Vijeća ministara BiH o proglašenju nastanka stanja prirodne ili druge nesreće na teritoriji Bosne i Hercegovine, Odluke Vlade Federacije Bosne i Hercegovine o proglašenju nesreće uzrokovane pojavom korona virusa i Odluke Vlade Kantona Sarajevo o proglašenju stanja prirodne i druge nesreće na području Kantona Sarajevo koje su donesene zbog pojave korona virusa, došlo je do kratkotrajne destabilizacije Budžeta Općine Centar Sarajevo za 2020 godinu nakon čega je Općinsko vijeće Centar Sarajevo dana 11.05.2020. godine usvojilo Rebalans istog.

Imajući u vidu da usvojenim Rebalansom Budžeta Općine Centar Sarajevo za 2020 godinu nisu predviđena sredstva za dodjelu finansijske pomoći općinama/opštinama povratka i vjerskim institucijama, donesena je odluka kao u dispozitivu.

### **NAPOMENA:**

Obavještavaju se podnosioci prijave – zahtjeva za ostvarivanje pomoći iz Programa održivog povratka, podneseni od strane nerazvijenih općina/opština, vjerskih institucija i pojedinaca povratnika u prijeratno mjesto prebivališta, da aplikacije – zahtjeve sa dostavljenom dokumentacijom mogu, ukoliko to žele, preuzeti u zgradi Općine Centar Sarajevo, uz prethodnu najavu na kontakt telefon: 033/562-4500.

  
**Općinski načelnik**  
Prof. dr. Nedžad Ajnadžić